

Txoj Kev Pab Cuam Kho Mob Ceev rau Kas Cees Paug Cuav

(Expedited Partner Therapy for Chlamydia)

Cov Ntaub Ntawv Azithromycin rau Tus Khub Sib Deev

Qee tus neeg uas koj muaj kev sib daj sib deev nrog rau tau noj cov tshuaj los kho tus mob chlamydia. Tej zaum koj kuj yuav muaj tus mob chlamydia thiab. Noj tshuaj kom sai li sai tau raws li koj tuaj yeem noj tau los kho tej qhov kev kis mob uas tej zaum tau pib muaj.

Chlamydia yog ib qhov kev kis mob uas nquag pom muaj heev ntawm tib neeg uas muaj los ntawm kev sib daj sib deev ntawm chaw mos, qhov quav, thiab/los sis kev sib daj sib deev ntawm qhov ncauj.

- Chlamydia tuaj yeem tsim ua rau mob los sis muaj kua tawm los (muaj kua nrog los).
- Coob leej neeg yuav tsis muaj cov tsos mob ntawm tus mob chlamydia. Qhov no txhais tias coob leej neeg uas muaj tus mob chlamydia yuav tsis paub tias lawv muaj mob.
- Kev muaj tus mob chlamydia ncuu sij hawm cev xeeb me nyuam los sis ncuu sij hawm yug me nyuam, tuaj yeem muaj kev phom sij rau tus me nyuam mos. Kev kho yog ib yam uas tseem ceeb.

Chlamydia kho yooj yim xwb. Pib kiag tam sim no.

- Neb ob leeg los sis koj tus (cov) khub uas muaj kev sib daj sib deev tsim nyog pib noj cov tshuaj kho mob uas kws kho mob tau txib yuav tam sim ntawd. Yog tias koj tsis kho, koj tuaj yeem ua mob loj tau los sis muaj feem uas cev xeeb tsis taus me nyuam nyob rau yav tom ntej.
- Txoj hauv kev zoo tshaj plaws los ua kev saib xyuas tus sexually transmitted infection (kab mob sib kis los ntawm kev sib daj sib deev) (STI) no ces yog mus ntsib lub chaw kuaj mob los sis tus kws muab kev pab cuam saib xyuas kev noj qab haus huv tam sim ntawd. Kev sau daim ntawv yuav tshuaj uas koj los sis koj tus khub tau mus nqa ntawm chaw muag tshuaj, thiab kev noj cov tshuaj, yog ib yam uas tseem ceeb uas yuav tsum tau ua raws yog tias koj mus cuag tsis tau chaw kuaj mob nyob rau ntau hnub tom ntej.


Tsim lub phiaj xwm mus kuaj kiag tam sim no.

- Qhov kev kuaj yuav tsis hnob mob. Tsuas yog koj tso zis rau lub khob xwb.
- Tej tus neeg uas koj tau muaj kev sib daj sib deev nrog nyob rau 60 hnub dhau los - los kuj tsim nyog mus kuaj ib yam thiab.
- Tau ua kev kuaj dua tshiab hauv peb lub hlis kom paub tseeb tias koj tsismuaj kev kis tus kab mob Kes Cees Paug Cuav (kev rov kis dua tshiab).
- Vim tib neeg tuaj yeem muaj ntau tshaj ib hom mob STI nyob rau tib lub sij hawm, nws thiaj li yog qhov tseem ceeb uas koj yuav tsum tau mus kuaj lwm hom mob STI kom sai li sai tau.

Nug koj tus khub seb lawv tau kuaj thiab kho mob nyob rau qhov twg los sis hu rau koj lub tuam tsev hauj lwm saib xyuas kev noj qab haus huv hauv zos kom paub txog seb yuav tau txais kev kho mob nyob rau qhov twg:

www.dhs.wi.gov/lh-depts/counties.htm.

Nploop 1 ntawm 2




"Nws tsis yooj yim uas yuav hnob txog qhov no tab sis kuv zoo siab uas kuv tau txais kev kho tam sim ntawd."

- Tus neeg mob uas tsis qhia npe

Nrhiav lub chaw kuaj mob uas nyob ze koj los ntawm kev mus saib ntawm:

www.dhs.wi.gov/std/clinics.htm los sis kev luam theej tus zauv QR.



Ntawm no yog txoj hauv kev noj cov ntsiav tshuaj:

Koj yuav tsum tau noj cov tshuaj azithromycin li 1 g (1000 mg). Noj cov ntsiav tshuaj raws li ntawv txib yuav tshuaj.

- **Haus dej kom puv khob hauv txhua zaub noj tshuaj thiab nrog zaub mov.** Kev noj cov tshuaj nrog zaub mov, qhov tsawg tshaj plaws uas yuav ua rau koj mob plab los sis ntuav, thiab cov tshuaj yuav ua hauj lwm zoo hauv koj lub cev.
- **Zam qhov antacids** hauv ib teev sij hawm ua ntej los sis ob teev sij hawm tom qab noj cov tshuaj azithromycin. Qhov Antacids (xws li Tums, Roloids, los sis Maalox) txo qhov koj lub cev nqus cov tshuaj, ua rau nws tsis zoo.

Nws siv sij hawm yam tsawg kawg li xya hnuv tom qab koj pib kho qhov kev kis mob thiaj li yuav zoo mus.

Nws yog qhov zoo tshaj plaws uas tsis tsim nyog muaj kev sib daj sib deev ntawm chaw mos, qhov quav, thiab/los sis kev sib daj sib deev ntawm qhov ncauj ncau lub sij hawm ntawd los sis thaum koj muaj cov tsos mob. Yog tias koj muaj kev sib daj sib deev nyob rau ncau sij hawm nya hnuv tom qab koj pib kho, ces tej zaum koj thiab koj tus(cov) khub yuav rov kis mob dua.



Cov ntsiav tshuaj muaj kev nyab xeeb heev rau cov tib neeg feem coob. Qhia koj tus kws pab kho mob paub yog tias koj:

- Muaj qhov kev fab tshuaj, ua pob liab, los sis fab cov tshuaj tiv thaiv kab mob dua los lawm.
- Muaj mob loj xws li kab mob raum, kab mob plawv, los sis kab mob siab.
- Tam sim no tab tom noj lwm cov tshuaj uas kws kho mob tau txib yuav.
- Cev xeeb me nyuam los sis tej zaum cev yuav xeeb me nyuam.
- Tab tom pub mis rau me nyuam mos.

Mus cuag kws kho mob, chaw kuaj mob, los sis chav kho mob xwm txheej ceev kiag tam sim ntawd, yog tias koj:

- Ua pa nrov suab, ntuav, los sis ua pa nyuaj.
- Ua pob liab - liab los sis ua npaws.
- Hnov mob thaum muaj kev sib daj sib deev.
- Hnov mob plab mog thiab tsev me nyuam. Tej zaum nws yuav yog qhov tsos mob ntawm tus kab mob roj ntshav tsim tub ki ntawm poj niam.
- Hnov mob los sis o ntawm noob qes (ob lub oob qes).

Yog tias koj muaj tej qhov twg ntawm cov tsos mob no, ces tej zaum txhais tau tias koj yuav tsum tau siv lwm cov tshuaj los sis cov tshuaj kom muaj zog dua thiab/los sis ntsuam xyuas ntxiv los ntawm tus kws pab cuam saib xyuas kev noj qab haus huv.

Puas muaj lus nug?

Txuas lus rau koj tus kws kho mob, tus kws tshuaj, lub tuam tsev hauj lwm ntsig txog kev noj qab haus huv hauv zos los sis Pab Pawg Neeg, los sis email rau DHS ntawm DHSDPHBCD@dhs.wi.gov.

